

便自利此亡津液故令渴也越婢湯加朮湯主之前條風水續自汗出無大熱故用之設不汗出且大熱表法當不主此也後條裏水假如小便自利亡津而渴故用之不爾裏法當不主此也曰無大熱則有熱可知曰裏水乃軀壳之裏非藏府之裏可知故俱得用越婢湯也

越婢湯者示微發表於不發之方也尙論傷寒太陽第三篇已詳之矣大率取其通調營衛和緩之性較女婢尤過之而命其名也蓋麻黃石膏二物一甘熱一甘寒合而用之脾偏於陰則和以甘熱胃偏於陽則和以甘寒乃至風熱之陽水寒之陰凡不和於中土者悉得用之何者中土不和則水穀不化其精悍之氣以實營衛營衛虛則或寒或熱之氣皆得

壅塞其隧道而不通於表裏所以在表之風水用之而在裏之水兼渴而小便自利者咸必用之無非欲其不害中土耳不害中土自足消患於方萌抑何待水土平成乎

論金匱防已茯苓湯方 本文云皮水爲病四肢腫水氣在皮膚中四肢聶聶動者防已茯苓湯主之

風水脈浮用防已黃芪湯矣而皮水卽彷彿而用之前脈論中謂同一開鬼門而標中之本則微有分此方是也風水下鬱其土氣則用白朮崇土薑棗和中皮水內合於肺金鬱泄之水漬於皮以淡滲之故以茯苓易白朮加桂枝解肌以散水於外不用薑棗和之於中也況四肢聶聶風在營衛觸動經絡桂枝尤不可少耶

論金匱麻黃附子湯杏子湯二方

本文云水之爲害其脈沉小屬少陰浮者爲風無水虛脹者爲氣水發其汗卽已脈沉者宜麻黃附子湯浮者宜杏子湯此論少陰正水之病其脈自見沉小殊無外出之意若脈見浮者風發於外也無水虛脹者手太陰氣鬱不行也風氣之病發其汗卽自己耳卽脈沉無他證者當倣傷寒少陰例用麻黃附子甘草湯盪動其水以救腎若脈浮者其外證必自喘當倣傷寒太陽例用麻黃杏子甘草石膏湯發散其邪以救肺此治金水二藏之大法也

論黃芪芍藥桂枝苦酒湯桂枝加黃芪二方

本文云黃汗之爲病身體腫發熱汗出而渴狀如風水汗沾

衣色正黃如蘖汁脈自沉何從得之師曰以汗出入水中浴水從汗孔入得之宜芪芍桂酒湯主之

黃汗之病兩足自冷假令發熱此屬歷節食已汗出又身常暮盜汗者此勞氣也若汗出已反發熱者久久其身必甲錯發熱不止者必生惡瘡若身重汗出已輒輕者久久必身瞤瞤卽胸中痛又從腰以上必汗出下無汗腰臍弛痛如有物在皮膚中狀劇者不能食身疼重煩躁小便不利此爲黃汗桂枝加黃芪湯主之

兩證大同小異前一證以汗出而衛氣不固外水入搏於營鬱而爲熱熱盛則腫而發黃熱盛則耗其津液而作渴故以黃芪固護其衛以桂枝本方加苦酒引入營分散其水寒之

邪但衛虛多汗不在發表故不用薑棗協助胃氣所恃者黃芪實衛之大力耳後一方用桂枝全方啜熱稀粥助其得汗加黃芪固衛以其發熱且兼自汗盜汗發熱故用桂枝多汗故加黃芪也其發汗已仍發熱邪去不盡勢必從表解之汗出輒輕身不重也久久身瞶胸中痛又以過汗而傷其衛外之陽并胸中之陽也腰以上有汗腰以下無汗陽通而陰不通也上下痞隔更宜黃芪固陽桂枝通陰矣黃汗與歷節有分陽火獨壅於上爲黃汗陰水獨積於下爲兩脛冷陽火盛及肌肉則發熱陰水盛及筋骨則歷節痛源同而流不同也食已汗出者食入於所長之陽與勞氣相搏散出爲汗乃至氣門不閉津液常泄暮爲盜汗也甲錯者皮間枯澇如鱗甲

錯出也發熱不已熱入肉腠必生惡瘡留結癰膿也腰臃弛痛如有物在皮中狀卽內經痛痺逢寒則急之類也小便不利津液從汗越也不能食脾胃氣虛不化穀也身體重衛氣不充分肉也煩躁胃熱上薰心肺也治黃汗之法盡於此矣
律六條

凡治水腫病不知風水皮水正水石水黃汗五證之別及脾肺腎三藏所主恣用驅水惡劣之藥及禹功舟車導水等定方者殺人之事也

凡治水腫病有當發汗散邪者不知兼實其衛致水隨汗浸淫皮腠不復順趨水道醫之罪也

凡治水腫病遇渴而下利之證誤利其水致津液耗竭中土坐

困甚者脈代氣促瀕於死亡醫之罪也

凡治水腫病遇少腹素有積塊疝瘕誤行發表攻裏致其人濁氣上衝胸胃大嘔太逆痛引陰筋卒死無救者醫之罪也

凡治水腫黃汗證乃胃熱釀成痺水誤用熱藥轉增其熱貽患癰膿醫之罪也

凡治水腫病不察寸口脈之浮沉遲數弦緊微濇以及趺陽脈之浮數微遲緊伏則無從辨證用藥動罹凶禍醫之罪也
自結於陽位陰寒未得上入者但用枳朮二味開其痰結健其脾胃而陽分之陽邪解之自易易耳

論海藏集仲景水氣例

海藏於治水腫一門務爲致詳設爲水氣問難求責脈之有

力無力藏沉府浮用藥大凡意在發明內經仲景其實渾是
後人窠臼中無實得也其云高低內外輕重表裏隨經補瀉
要當詳察肺胃腎三經病卽瘥也此一語最爲扼要然終未
到家內經明謂三陰結謂之水三陰者太陰也足太陰脾手
太陰肺氣結不行卽成水病而水之源出自腎故少陰腎亦
司之但當言肺脾腎不當言肺胃腎也何也胃不必言也胃
本水穀之海五藏六府之大源脾不能散胃之水精於肺而
病於中肺不能通胃之水道於膀胱而病於上腎不能司胃
之關門時其輪泄而病於下所以胃中積水浸淫無所底止
耳海藏舉肺胃腎而遺脾於至理不過一間未達原不必議
其治例仍以肺沉大腸浮心沉小腸浮爲言此則相沿之陋

也詎知藏府各分浮沉而大小二腸不得從上焦分診耶至
於所集仲景水氣例則未窺宮牆富美反多門外邪僻矣夫
仲景論雜證於水氣一門極其精詳惟恐足太陰脾之健運
失職手太陰肺之治節不行足少陰腎之關門不開并其府
膀胱之氣化不行所用方藥皆不蹈重虛之戒立於無過之
地海藏集仲景治肺癰葶大棗瀉肺湯爲例是欲以瀉肺
之法爲瀉水之法矣集仲景治傷寒痞連兩脇雜證支飲在
脇之十棗湯爲例是欲以瀉胸脇及膀胱爲瀉水之法矣何
其敢於操刃而藉口仲景耶不但此也抑且假托後人治水
之峻藥本之仲景謂舟車神祐丸卽十棗湯加牽牛大黃輕
粉除濕丹卽神祐丸加乳香沒藥玄青丹又卽神祐丸加黃

連黃蘗青黛集仲景之方以傳會後人罪不容誅矣後來依
樣葫蘆更改一味二味卽成一方不傷脾卽瀉肺不瀉肺卽
瀉膀胱乃致積水滔天載胥及溺絕無一人追悔從前用藥
之咎正以繇來者非一曰耳水病門中成方百道求一救肺
氣之贖鬱而伸其治節之方無有也求一救膀胱阻絕而伸
其氣化之方無有也節取數方發明備用臨病自出生心化
裁是所望矣

脹病論

喻昌曰脹病與水病非兩病也水氣積而不行必至於極脹脹
病亦不外水裹氣結血凝而以治水諸法施之百中無一愈者
失於師承無人方藥妄投耳今天下醫脈久斷醫學久荒卽欲

效司馬子長擔簦負笈遍訪於江淮汶泗而師其果安在乎

昌

於斯世無地可以着雖然皇皇斯人不敢自外請一比例爲後
學商之仲景謂水病氣分心下堅大如盤邊如旋杯水飲所作
然則脹病豈無血分腹中堅大如盤者乎多血少氣豈無左脇
堅大如盤者乎多氣少血豈無右脇堅大如盤者乎故不病之
人凡有癥瘕積塊痞塊卽是脹病之根也日積月累腹大如箕
腹大如甕是名單腹脹不似水氣散於皮膚面目四肢也仲景
所謂石水者正指此也胸中空曠氣食尙可兩旁輓轉腹中大
小腸膀胱遍處瘀濁占據水不下趨而泛溢無不至矣內經明
脹病之旨而無其治仲景微示其端而未立法然而比類推之
其法不啻詳也仲景於氣分心下堅大如盤者兩出其方一方

治陰氣結於心下用桂枝去芍藥加麻黃附子細辛湯一方治陽氣結於心下用枳朮湯夫胸中陽位尙分陰氣陽氣而異其治况腹中至陰之處而可不從陰獨治之乎陰氣包裹陰血陰氣不散陰血且不露可驅其血乎舍雄入九軍單刀取勝之附子更有何藥可散其陰結破其堅壘乎推之兩脇皆然但分氣血陰結之微甚而水亦必從其類矣此等比類之法最上一乘非中材所幾和盤托出爲引伸啓發之助

律一條

凡治脹病而用耗氣散氣瀉肺瀉膀胱諸藥者殺人之事也

治病用藥貴得其宜病有氣結而不散者當散其結甚有除下蕩滌而其氣之結尙未遽散者漸積使然也今脹病乃氣

散而不收更散其氣豈欲直裂其腹乎收之不能遽收亦漸積使然緩緩圖成可也若求快意一朝如草頭諸方明明立見殺人若輩全不悔禍展轉以售奸吾不知其何等肺腸干劫不能出地獄矣

水腫門諸方

○金匱防已黃芪湯

防已 一兩 黃芪 二兩 白朮 三分 甘草 半兩

右剉每服五錢匕生薑四片棗一枚水盞半煎取八分去滓

溫服良久再服

○金匱越婢湯

麻黃 六兩 石膏 半斤 甘草 二兩 生薑 三兩

大棗 十五枚

右五味以水六升先煮麻黃去上沫內諸藥煮取二升分溫三服○惡風者加附子一枚○風水加朮四兩 古今錄驗

○金匱防已茯苓湯

防已 三兩

黃芪 一兩

桂枝 三兩

茯苓 六兩

甘草 二兩

右五味以水六升煮取二升分溫三服

○金匱麻黃附子湯

麻黃 三兩

甘草 二兩

附子 一枚炮

右三味以水七升先煮麻黃去上沫內諸藥煮取二升半溫

服八合日三服

○金匱杏子湯

未見恐是麻黃杏子甘草石羔湯

○蒲灰散

方見消渴門

○金匱黃芪芍藥桂枝苦酒湯

黃芪

五兩

芍藥

三兩

桂枝

三兩

右三味以苦酒一升水七升相和煮取三升溫服一升當心煩服至六七日乃解苦心煩不止者以苦酒阻故也 一方

帶美酒醯代苦酒

○金匱桂枝加黃芪湯

桂枝

三兩

芍藥

三兩

生薑

三兩

甘草

二兩

大棗

十二枚

黃芪

二兩

右六味以水一斗煮取三升溫服一升須臾飲熱稀粥一升

餘以助藥力溫服取微汗若不汗更服

○金匱桂枝去芍藥加麻黃附子細辛湯

桂枝 三兩

生薑 三兩

甘草 二兩

大棗 十二枚

麻黃 二兩

細辛 二兩

附子 一枚炮

右七味以水七升煮麻黃去上沫內諸藥煮取二升分溫三服當汗出如蟲行皮中即愈

○金匱枳朮湯

枳實 七枚

白朮 二兩

右二味以水五升煮取三升分溫三分腹中脹即當散也

○實脾散

治陰水發腫用此先實脾土

厚朴 去皮姜製

白朮 一兩

木瓜 去穰一兩

大腹皮 一兩

附子

炮一兩

木香

不見火一兩

草果仁

一兩

白茯苓

去皮一兩

乾薑

炮一兩

甘草

炙半兩

右咬咀每服四錢水一盞薑五片棗一枚煎七分不拘時服

溫

○按治水以實土爲先務不但陰水爲然方下所云治陰水發腫用此先實脾土然則其後將用何藥耶儼然陰水當補陽水當瀉之念橫於胸中故其言有不達耳夫陰水者少陰腎中之真陽衰微北方之水不能蟄封收藏而泛溢無制耳倘腎氣不溫則真陽有滅頂之凶矣實土以隄水寧不爲第二義乎方中不用桂而用厚朴檳榔尙有可議耳

○復元丹

治脾腎俱虛發爲水腫四肢虛浮心腹堅脹小便

不通兩目下腫